



# Synfocity = 489

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

29<sup>th</sup> May, 2014

## □ Synod Bookroom Conference 2014

May 23, 2014 kha Synod bookroom chuan kum tina an lo tih thin angin Zosaphluia Building, Mission Vengah Synod Bookroom Conference 2014 an hmang a, hemi ni hian Mizoram puma Synod Bookroom zawng zawngte khar a ni. Chawhma hunah T.Upa Lalzarmawia, Sales Promoter-in programme a kaihrui a, Pi Rosy Lalhmingmawii, Accountant-in Bookroom sum dinhmun report a pe a. Report atanga a lan danin kum kalta kha Synod Bookroom hian nasa takin hma a sawn a. An Budget Rs 6,10,00,000/- chu tha taka khumin Rs 1,10,78,631/- zet thawhchhuah a ni a, kum 1911 a Synod Bookroom din a nih atangin kumkhata a thawhchhuah tam ber tum a la ni. Budget khumna ringawt hi Rs. 5,00,78,631/- zet a ni bawk. Kum kalta chhung kha Net Profit Rs. 46,96,092/- lai Synod Bookroom hian a nei bawk. Pathian awmpuina leh Kohhran mipuite thahnemngaihna azara hetiang dinhmun an thleng thei hi Synod Bookroom chuan lawmthu a sawi a ni.

Chawhma hunah hian Upa R. Lalmalsawma, General Manager, PRESCOM-in thusawina hun a hmang ang a, Pu Lalniliana Manager, Synod Bookroom chuan kum 2013 Bookroom Conference-a thurelte bawhzui a nih dan leh tihhlawhtlin a nih dan chi hrang hrang report a pe a. Hei bakah hian Financial Year thara Synod Bookroom Budget Rs. 6,80,00,000/- chu a pharh nghal bawk.

Chawhnu lam hun chu Upa R. Lalmalsawma, General Manager, PRESCOM-in kaihruiin Mizoram puma Branch hrang hrangte atangin report leh rawtnate ngaihthlak a ni a. Kum kalta a Bookroom rawngbawlna hrang hrang thlirletna leh sawizauna neih a ni bawk.

Rawngbawlna hrang hrang thlirletna leh sawizauna hun hman zawh hian Pu Lalniliana, Manager, Synod Bookroom-in Monthly Operation Review khaikhawmna a nei a, Operation Review-a a lan danin kum 2013 kha Churachandpur tih loh Synod Bookroom Branch zawng zawngte Sale tam ber kum a nih thu leh nikuma an thawhchhuah let thawk thawhchhuak thei Branch pathum an awm thu tarlan a ni. Nikum (2013) chhungin Distributor thar pathum, Ngopa, Zemabaw leh Lungsenah te hawn thar a nih thu tarlan a ni.

Hemi hnu hian kum kalta a Synod Bookroom Branch tha thlanna result puan a ni a, Rev Lalzuithanga, Senior Executive Secretary chuan Branch tithate hnenah lawmman a sem. Tehna ki hrang hrang pali a inteh a nih hnuah hetiang hi kum 2013 chhunga Synod Bookroom intehna result chu a ni :

Pakhatna : Bara Bazar Branch, Aizawl

Pahnihna : Lawngtlai Branch

Pathumna : Serchhip

Tun dinhmunah Synod Bookroom hian Branch 12 zet niin Distribution Centre 21 a nei mek a. Kum 2013 chhung hian Saiha tih loh District Capital tinah mahniin building a nei kim thei a. 2013 chhung hian Mamit leh Kolasib ah Bookroom building hi sak thar a ni nghe nghe.

## □ Zin

- ♦ May 27, 2014 (Thawhlehi) kha Senate of Serampore Executive Committee Meeting, Kolkata-ah Rev. Lalramliana Pachuau, Executive Secretary a tel a. May 28, 2014 (Nilaini) kha Rev. Lalramliana Pachuau, Executive Secretary leh Dr. Robert S. Halliday, Superintendent, Synod Office (Synod Partnership Committee Secretary ni bawk) te chu Chennai-ah Church of South India (CSI) hotute nen Partnership chungchangah an inkawm a, vawiin (May 29, 2014) hian United Theological College leh Bangalore Diocese CSI hotute nen Bangalore-ah an inkawm leh ang.

- ♦ May 28 - 31, 2014 chhung hian Presbyterian English School permission dil enfiah tur leh school tlawh turin Upa D.P. Biakkhuma, Supervisor of Schools a zin. Vawiiin (May 29, 2014) hian Leithum, Vangchhia, Samthang leh Farkawn a tlawh ang a, May 30, 2014 (Zirtawpni) hian East Lungdar, Leng leh Sailulak a tlawh leh ang a, May 31, 2014 (Inrinni) hian Mualcheng leh Khawlailung te a tlawh leh ang.

## □ Nursing School, Synod Hospital Graduation Day Vawi 12-na

Vawiin (May 29, 2014) chawhnu dar 1:00 hian Nursing School Auditorium, Synod Hospital, Durtlangah kum 2010 - 2014 GNM zirlaite pualin Graduation Day vawi 12-na an hmang dawn a, Synod Moderator Rev. K. Lalhmuchhuaka chu Khuallian a ni ang.

Dr. Vanlalruata, Synod Hospital Director-in programme a kaihrui ang a, inlawmna thu a sawi ang. Rev. Biakthansanga, Hospital Chaplain in Bible chhiar leh tawngtaiin hunserh a hmang ang a, 3<sup>rd</sup> year GNM zirlaite an zai ang. Miss R. Lalchhanhimi, Principal-in thusawina hun a hmang ang a, zirlai ti tha te hnenah lawmman hrang hrang sem chhunzawm a ni ang. Khuallian Rev. K. Lalhmuchhuaka hnen atangin thusawi ngaihthlak a ni ang a, zirlai chhuak tur aiawh leh Lawmman tumsaktu (Award Donors) te hnen atangin thusawi ngaihthlak a ni bawk ang. Pi C. Lalrintluangi, Nursing Superintendent-in Certificate semna hun a hmang ang a, Pi C. Thankhumi, Vice Principal-in Lawmthu sawina hun a hmang leh ang a, Rev. Ramdinmawia, Hospital Chaplain-in Malsawmnain programme a khar ang.

## □ Lay Day 2014

Mizoram Presbyterian Church Synod hnuai ordained Minister ni lo zawng zawng, thawk mek leh pensioner-te inthlunzawmna Synod Lay Workers Fellowship (SLWF) chuan May 30, 2014 (Zirtawpni) hian nilengin Synod Higher Secondary School, Mission Vengthlangah Lay Day vawi 40-na an hmang dawn a, thupui 'Inpumkhatna' (Johana 17:21) tih a ni ang.

Chawhma lamah Hun Urhsun hman a ni a, Pu C. Hmingthanzama, Vice Principal, SHSS-in programme a kaihrui ang a, Pi Lalrinkimi, Synod Office in tanna hun a hmang ang a, Secretary leh Treasurer Reports ngaihthlak a ni ang. Hemi zawhah hian Lay Fellowship member thi te sunna hun hman a ni ang a, Synod Moderator Rev. K. Lalhmuchhuaka hnen atangin Lay Day Address ngaihthlak a ni ang a, Synod Rescue Home atangin Group Singing ngaihthlak a ni ang. 'Inpumkhatna' (Johana 17:21) tih thupui hmangin Pu Zawaln thuchah a sawi ang a, Upa H. Zoliana, Synod Secretary-in Lay Fellowship hruaitu tharte Pathian hnenah hlanna hun a hmang ang. Synod hnuai rawngbawlna hna rinawm taka thawk a, pension-a chhuak thar mi 8 te hnenah ngaihhuina thilpek hlan an ni bawk ang. Chawhnu lamah Hun Zangkhai hman leh a ni ang a, Upa K. Roseia, Pensioner-in programme a kaihrui ang a, department hrang hrang atanga special item chi hrang hrangte hmangin hun hman a ni ang. Tlai lamah ruai an kilho nghal ang *Contd...*

Lay Workers Fellowship hian kum danga an tih thin angin Lay Day vawi 40-na denchhenin pawisa an thawh khawm a, he thawhlawm tling khawm hi Synod Hospital Charity Fund atan an hlan ang.

❑ **Family Guidance & Counselling Centre**

May 31, 2014 (Inrinni) zing dar 10:00 hian Family Guidance & Counselling Centre-in Champhai Vengthlang Kohhran Hall-a Counselling Centre thar tur an siam chu Rev. P.C. Pachhunga, Executive Secretary-in a hawng ang. He Centre-ah hian Rev. Lalhleia chu Counsellor-in a awm ang.

Counselling Centre thar hawn zawh hian Champhai khawpui chhunga Bial 7 huapin Champhai Vengthlang Biak Inah Kristian Chhungkaw Seminar an nei zui dawn a, Resource Person tur chu Rev. P.C. Pachhunga, Executive Secretary a ni ang.

May 31, 2014 (Inrinni) zan atanga June 1, 2014 (Pathianni) zan thlengin Champhai khawpui chhunga Kohhran 23-ah Kristian Chhungkaw Campaign neih zui a ni dawn a, Campaigner tur mi 14 an kal dawn a, chung mite chu - Rev. PC Pachhunga, Exe. Secretary; Rev. R.Lalhmingthanga, Director, FG&CC; Rev. Dr. R. Lalbiakmawia, Venghlui; Rev. R. Lalengzauva, Zonuam Bial; Upa Lalmuana Pautu, Leitan Ramthar; Upa Lalramhluna, Maubawk; Upa Dr. Rothangliana, Kulikawn; Pi Rochuangkimi, Chaltlang South; Rev. Jonathan Pachau, Counsellor, FG&CC; Rev. Lalhleia, Counsellor, FG&CC; Rev. Lalsangbera, Vaivakawn Bial; Rev. C. Lalthanzara, Mission Veng; Rev. Lalchhandama, ATC leh T.Upa H. Lalchhandama, Office Assistant te an ni.

❑ **Campus Ministry rawngbawlna**

♦ May 26, 2014 (Thawhtanni) khan Mizoram College of Nursing, Falkawnah Rev. Lalchungnunga, Campus Ministry Director-in Evangelical Nurses Fellowship devotion a hmanpui a, zirtirtu leh zirlai 200 vel zet an tel.

♦ May 27, 2014 (Thawhlejni) khan Zemabawk Presbyterian English School pualin Zemabawk North Kohhran Hall-ah Drug Awareness Campaign neih a ni a, hemi neihpui hian Rev. Lalchungnunga, Campus Ministry Director leh Tv. C. Lalremruata, Outreach Worker te an kal.

♦ Vawiin (May 29, 2014) chawhnu dar 12:30 hian Mizo & English Medium School (Class I - XII) zirlaibu-a Moral Reform a tel tam dan zirchiangtute nen meeting neih a ni ang.

♦ May 30, 2014 (Zirtawpni) chawhnu hian Presbyterian English School, Dawrpui Vengtharah Campus Ministry Campaign neih a ni dawn a, Rev. Lalchungnunga, Campus Ministry Director leh Tv. C. Lalremruata, Outreach Worker te an kal ang.

♦ April - May, 2014 chhunga Campus Ministry Helpline hmangtu mi 346 an awm a, April, 2014 chhungin mi 196 leh May, 2014 chhungin mi 150 an ni.

❑ **Music**

Vawiin (May 29, 2014) hian Synod School of Music hnuai Tonic & Staff Notation (March - May Session) zirlaiten Synod Conference Centre-ah Exam an nei a, tun tumah hian mi 54 in an exam a ni.

Synod School of Music hian June - August, 2014 Session-a Tonic & Staff Notation zir tur mi 84 an la fel tawh a, June 2, 2014 (Thawhtanni) zing dar 6:30 atangin Synod School of Music, Synod Conference Centre-ah class neih tan a ni ang.

❑ **Kristian Thalai Pawl**

♦ May 30 -31, 2014 hian Synod Conference Centre-ah Central KTP hruaitu ten riak lutin Orientation cum Retreat programme an hmangtu ang. Synod Moderator Rev. K. Lalhmuchhuaka, Rev. C. Rosiama, Rev. J. Lalremsiama (Leader) leh Upa Zonunmaiwa (General Secretary) ten hun an hmangtu ang a, zawhna & chhanna hun leh sawihona hun te buatsaih a ni ang.

♦ Mizoram Synod Choir chuan June 1, 2014 (Pathianni) zan hian Luangmual Vengthlang Kohhranah hun an hmangtu ang.

❑ **Hruaina Eng FM Radio & TV Programme**

♦ **MAY 30 (FM Zoawi Aizawl @ 7:30 p.m.) :**

**Solo** : Debbie - I va hlu em Lalpa, **Choir** : Lunglei Presbyterian Choir - Thilmak Chhuisenloh, **Solo** : Baby Malsawmtluangai - mamawh chhanna, **Thuchah** : Upa Zonunmawia - Hnathawk tura chhandam thalaite, **Solo** : Lallungmuana & Zoramchhani - I hlu ber e, **Choir** : Besy Choir - Ka kawng entu

♦ **MAY 30 (FM Lunglei @ 7:30 p.m.) :**

**Solo** : Debbie - I va hlu em Lalpa, **Synod News**, **Choir** : Lunglei Presbyterian Choir - Thilmak Chhuisenloh, **Solo** : Baby Malsawmtluangai - mamawh chhanna, **Thuchah** : Upa Zonunmawia - Hnathawk tura chhandam thalaite, **Solo** : Lallungmuana & Zoramchhani - I hlu ber e, **Choir** : Besy Choir - Ka kawng entu

♦ **JUNE 1 (TV Programme @ 3:00 p.m.) :**

**Zaipawl** : Luangmual Bial Zaipawl - I Ropuina, **Sermon** : Rev. K. Lalzuala - Lalpaa chawlh nun, **Zaipawl** : Republic Kohhran Zaipawl - Halleluiahs Chorus & Beramno, **Missionary Interview** : Home Mission, **KTP Diamond Jubilee Skit** : Mission Veng Bial

❑ **Susamachar Prasaran Programme**

**JUNE 1 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo** : Sihphir Bial - Me Akhen Apni, **Group/Choir/Solo** : Durtlang Masihi Sangati - Halleluiahs Chorus, **Sermon** : Lalhruaitluanga - Isu Kaun hai, **Group/Choir/Solo** : Khatla Masihi Sangati - Ishu Tera Wada, **Group/Choir/Solo** : Tuikual Pastor Bial - Prabhu Mere

❑ **Synod Moderator Programme**

Synod Moderator Rev. K. Lalhmuchhuaka chuan hetiang hian hun a hmangtu ang :

May 31, 2014 (Inrinni) Zan : Nisapui Kohhran tlawh

June 1, 2014 (Pathianni) Chawhma : Lungmuat Kohhran tlawh

June 1, 2014 (Pathianni) Chawhnu : Nisapui Kohhran tlawh

June 1, 2014 (Pathianni) Zan : Nisapui Kohhran tlawh

June 3 - 6, 2014 : Synod Executive Committee